

Oorwin Vrees:

Heb 13:6 Daarom kan ons met alle vrymoedigheid sê: **Die Here is vir my 'n Helper, en ek sal nie vrees nie**; wat sal 'n mens aan my doen?

2Tim 1:7 **Want God het ons nie 'n gees van vreesagtigheid gegee nie, maar van krag en liefde en selfbeheersing.**

2Kon 6:16 Maar hy antwoord: **Vrees nie; want die wat by ons is, is meer as die wat by hulle is.**

Psa 3:7 Ek sal nie vrees vir tien duisende van mense wat rondom teen my gereed staan nie.

Psa 23:4 **Al gaan ek ook in 'n dal van doodskaduwee, ek sal geen onheil vrees nie**; want U is met my: u stok en u staf dié vertroos my.

Psa 27:1 **'n Psalm van Dawid.** Die HERE is my lig en my heil: vir wie sou ek vrees? Die HERE is die toevlug van my lewe: vir wie sou ek vervaard wees?

Psa 27:3 **Al word 'n laer teen my opgeslaan, my hart sal nie vrees nie; al staan 'n oorlog teen my op, nogtans vertrou ek.**

Psa 34:8 Get. **Die Engel van die HERE trek 'n laer rondom die wat Hom vrees, en red hulle uit.**

Psa 56:4 Die dag as ek vrees, sal ek op U vertrou.

Psa 91:5 **Jy hoef nie te vrees vir die skrik van die nag, vir die pyl wat bedags vlieg nie,**

Psa 103:13 **Soos 'n vader hom ontferm oor die kinders, so ontferm die HERE Hom oor die wat Hom vrees.**

Luk 9:1 En Hy het sy twaalf dissipels saamgeroep en aan hulle mag en gesag gegee oor al die duiwels en om siektes te genees.

Ps 91:14 Omdat hy My liefhet, sê God, daarom sal Ek hom red; Ek sal hom beskerm, omdat hy my Naam ken.

Joh 17:15 Ek bid nie dat U hulle uit die wêreld wegneem nie, maar dat U hulle van die Bose bewaar. (Jesus bid vir ons.)

2 Thes 3:3 Maar die Here is getrou; Hy sal julle versterk en bewaar van die Bose.

Ps 121:5 Die HERE is jou Bewaarder; die HERE is jou skaduwee aan jou regterhand.

Deut 3:22 Julle moet vir hulle nie bang wees nie, want dit is die HERE julle God wat vir julle stry.

Spr 3:24 as jy gaan lê, sal jy nie skrik nie, en lê jy, dan sal jou slaap soet wees. (Dis 'n belofte - staan daarop.)

Luk 10:19 Kyk, Ek gee aan julle die mag om op slange en skerpioene te trap, en oor al die krag van die vyand; en niks sal julle ooit skade doen nie.

Jer 1:19 En hulle sal teen jou veg, maar jou nie oorwin nie; want Ek is met jou, spreek die HERE, om jou uit te red.

1Joh 4:4 Julle is uit God, my kinders, en het hulle oorwin, omdat Hy wat in julle is, groter is as hy wat in die wêreld is.

1Joh 5:4 Want alles wat uit God gebore is, oorwin die wêreld; en dit is die oorwinning wat die wêreld oorwin het, naamlik ons geloof.

Open 12:11 En hulle het hom oorwin deur die bloed van die Lam en deur die woord van hulle getuienis, en hulle het tot die dood toe hulle lewe nie liefgehad nie.

Rom 8:37 Maar **in al hierdie dinge is ons meer as oorwinnaars deur Hom wat ons liefgehad het.**

Sag 3:2 Toe sê die HERE aan die Satan: **Mag die HERE jou bestraf, o Satan!** Ja, mag die HERE, wat Jerusalem verkies het, jou **bestraf! Is hierdie een nie 'n brandhout wat uit die vuur geruk is nie?**

Jud 1:9 Maar toe Mígael, die aartsengel, met die duiwel in woordestryd was oor die liggaam van Moses, het hy geen oordeel van lastering durf uitspreek nie, **maar het gesê: Die Here bestraf jou!**

Neh. 8:10

Verder het hy vir hulle gesê: Gaan, eet lekker spys en drink soet drank en stuur porsies aan hulle vir wie niks berei is nie; want hierdie dag is heilig aan onse Here. Wees dan nie bedroef nie, **want die blydskap in die HERE--dit is julle beskutting.**

[Onthou: Job 3:25 As ek iets vreesliks vrees, kom dit oor my; en die ding waarvoor ek bang is, kom na my toe.]

Loof Hom

Die Here is my lig en my heil, vir wie sou ek vrees? Die Here is die toevlug van my lewe, vir wie sou ek vervaard wees? Ek gee aan die Here die eer van Sy Naam; en aanbid die Here in heilige sieraad. Ek sal U verhoog Here, want U bewaar my. Ek wil juig en bly wees in U goedertierenheid, want die blydskap in die Here – dit is my beskutting. Kosbaar is U goedertierenheid o God, en U geregtigheid vir die opregtes van hart. Groot dinge het U gedoen, U wonders en gedagtes is kosbaar vir ons. Niemand kan met U vergelyk word nie.

Dit is goed om die Here te loof en tot eer van U Naam te psalmsing, o Allerhoogste. Want U het my bly gemaak, Here, deur U dade; ek jubel oor die werke van U hande. Versadig ons in die môre met U goedertierenheid, en laat die lieflikheid van die Here onse God oor ons wees.

Positiewe Gebed vir beskerming.

U Woord sê, as ek in die skuilplek van die Allerhoogste (EL-ELYON) sit, sal ek vernag in die skaduwee van die Almagtige (EL-SHADDAI) U is my toevlug en my bergvesting, my God op wie ek vertrou. Want U is dit wat my sal red uit die net van die voëlvanger, van die verderflike pes. U sal my dek met U vlerke en onder U vleuels sal ek skuil. U trou is my skild en pantser. Ek hoef nie te vrees vir die skrik van die nag, vir die pyl wat bedags vlieg nie, vir die pes wat op die middag verwoes nie. Al val daar duisend aan my sy en tienduuisend aan my regterhand, na my sal dit nie aankom nie. Want, U, Here is my toevlug en beskutting. Geen onheil sal my tref en geen plaag naby my gees, siel, liggaam, man, kinders, kleinkinders, huis, motor en ander besittings kom nie, want U sal U engele aangaande ons bevel gee om ons te bewaar op al ons weë. Op die leeu en die adder sal ons trap, die jong leeu en die slang vertrap. Omdat ons U liefhet, daarom sal U ons red, U sal ons beskerm omdat ons U naam ken. Ons sal U aanroep en U sal ons verhoor, in die nood sal U by ons wees; U sal ons uitred en ons sal U eer. Met lengte van dae sal U ons versadig en ons U heil laat sien. (Ps 91)

Skuilplek = "secret place" = geheime plek waarvan Satan nie weet nie.

bergvesting = "fortress, strong place" = onbereikbare vesting.

vertrou = "trust, be confident, sure" = verseker wees.

red = "deliver - without fail" = onfeilbare redding.

trou = "trustworthiness" geheel en al betroubaar.

skrik = "terror - properly the object feared" = Dit waarvoor ek bang is, vrees.

beskutting = "habitation- my house" = beskerming, huis, woning.

heil = "salvation, deliverance, victory, prosperity, health, welfare"